

海
秋
詩
集

海秋詩集卷之二

益陽湯鵬海秋撰

四言古詩

彼秋者槐十章

彼秋者槐過曹新安師故第灑淚以弔也

彼秋者槐淒其以黃網軒墜月藻井繁霜陸陸元輔協
毗天綱今無老成亦孔之傷

彼秋者柳淒其以綠繡桺激飈聲靡散旭業業秉鉞載
醇載郁人之云徂憐我情愴

天眷

皇清誕育。夔龍納忠。效信補袞。從容惟樸。惟謹韜德。諱功。及其逝矣。羣乃慙慙。

皇顧在廷。汝房汝杜。語密謀深。讚今誨古。爰糾爰繩。爰

黜。爰黼。天不慙遺。泣涕如雨。

窈窕南榮。枳籬藥房。皎皎方疏。綈帙縹囊。背我至止。緝藻雕章。今我至止。悲痛結腸。

黃封之醢。厥味孔濃。青綳赤玉。厥采孔工。夫子何爲。貽我明春。匪文曷興。匪道曷同。

娟娟小子南國之儒芙蓉是衣松杉是居旣誕旣散旣
戇旣迂夫子何爲揚之天衢

食苗惟鼠黠白惟蠅後掉虎尾前履春冰公之許與我
之凌兢名高羽短已矣籌騰

孰謂鷦鷯可窮嶮沈孰謂螳螂可當車轍處今方慙緬
翼彌劣秋風騷騷爲我嗚咽

日暮沙黃我馬盤桓言禮其幃言凭其欄彝鼎旣雕吐
握旣寒時無蹇脩俾我永歎

莫高匪佖六章

莫高匪岱賀穆長白師入閣也

莫高匪岱莫闊匪溟光光雅節實磬實晶罔懈于夙夜
罔拂于典型

皇曰馨哉其格于天其股肱于廷

莫堅匪礪莫濟匪舟若若令望孔碩孔修罔格于卮言
罔忽于遠猶

皇曰彪哉實惟阿衡以迓天之休

日稽古夔龍是欽是承日稽古管葛是勞是仍

皇相君子如月斯圓而日斯昇亦旣欽只亦旣勞只

皇。心。豫。只。羣。情。陶。只。

日稽古姚宋孔才孔勤日稽古韓范孔賢孔醇

皇相君子如羹斯和而饗斯均亦既才只亦既賢只羣
情陶只我心騫只

皇日大冢宰惟其計吏哉

皇日大司空惟其治事哉

皇日樞密院惟其獻議哉左哉右哉敷政優哉始哉終
哉惟。

一。人。之。綢。繆。哉。

有河湯湯蛟龍是羣有廟蕭蕭瑚璉是陳數仞之牆士
繁且干拳拳吐握譽我以文匪惟藻鑑乃心則仁匪惟
我師乃臣乃鄰作歌匪諛古義斯敦

江之水四章

江之水送郭羽可歸永豐也

江之水其色油油君子于歸言縱其舟就其深矣龍不
汝讎就其淺矣鷗不汝訕烟雲爛爛葭莢脩脩匪惟耳
目迺與心謀優哉游哉無使髮也秋

江之水其聲汨汨君子于歸言闢其室左詩右書厥機

洋溢烹黍斟醪孔樂且吉萬塗崎嶇一笑已畢逃之寂寥罔有戰栗吁嗟今之人誰其子匹

瞻彼桃李豈不菲菲瞻彼燕雀豈不飛飛道衰物薄孰識其歸孰障狂瀾孰噓孰吹光光君子德音不遠風之晨矣載攀我帷月之夕矣載飲我卮願爲雙鳥載鳴載嬉悲彼殘秋迫其歸兮

人之生矣如彼飛蓬蓬蓬離合汎汎西東子也旋歸有溪有峯有魚斯膾有鹿斯從我也淹留匪頑匪聰匪驥斯騁匪駕斯慵哀哀昊天不念我躬毛羽有限塵土無

窮執子之手。涕如奔洪。未知後會。實懨懨。

冉冉浮雲五章

冉冉浮雲哀唐氏女也

冉冉浮雲。滔滔流波。笑日已少。哭日已多。桃李之華。不知處也。鵲鴝。蝮蛇。不可語也。有豔其外。中則腐也。滄滄。訛訛。匪吾與也。哀哉。乎丈夫。曾不如彼唐氏女。彼女云何。彼性孔臧。父勞在我。母病在牀。母曰。嗟乎。二豎孔驚。女曰。嗟乎。寸心孔明。百醫何憤。憤以藥。以湯。嘻。不如女之肉也良。

秋風颺颺。秋月偃偃。有暗其室。有快其翦。我體我膚。繄母之遺。我翦我烹。厥汁淋漓。母病不救。何以生爲。蟋蟀知鳴。鴻鵠知歸。悠悠我心。能不傷悲。

一烏兩雛。晨夕纏綿。姊兮弗飯。妹兮弗眠。妹曰嗟乎。姊病孔迅。載翦載烹。妹肉是進。姊曰嗟乎。母病孔痼。焚香禱天。請以身代。乃減我算。乃益母年。乃生乃死。乃心之便。無以我故。涕下翩翩。

悠悠蒼天。孰測其橐。有鸞弗巢。有鶯弗繳。巧兮謬兮。式俾爾博仁兮。義兮式俾爾削。彼女之摯。乃不長生。彼女

之嫁遲遲其行衣裳在笥爛何熒熒疾兮疾兮瘦與死并天甯不弔神甯不明凡百君子鑒爾孝貞

有鄂者棣二十章

有鄂者棣與舍弟鴻敘懷惜別也

有鄂者棣有連者荆木猶嬋媛人何以名天降萬民或縱或橫或蜩或蟪或鯢或鯨出門號號入門娉娉雖有朋儔不如弟兄

有連者荆有鄂者棣木猶纏綿人何以濟凡今之途靡不詭厲朝披肺肝夕生芥蒂紆朱拖紫厥中則替雖有

富貴不如孝悌。

鴻雁于飛。或西或東。我來于燕。靡所與同。孤鳴斯卑。走斯窮。所思不見。涕如飄風。楚水泱泱。楚山叢叢。形影在遠。魂夢在空。嘉汝之來。乃友乃恭。譬汝以道。乃磨乃礱。

有肉在梓。有酒在卮。式飲式食。與子宜之。心之繁矣。如彼繭絲。語之重矣。如節如枝。丈夫之懷。貴用酣嬉。往者勿諫。來者勿歧。仰見雙鳥。大翺小隨。以永今懽。焉知昔悲。

樵人渾渾不能爲漁。冶人錚錚不能爲車。天寒歲暮誰
念腐儒。汝豈不明日我馳驅維侯之印。維卿之符。禱我
策我慎。莫腳踏乾坤浩蕩。草木皆腴。弱羽奮飛。宜其然
乎。

誰謂騏驎弗駛。厥行誰謂鳳凰弗昌。厥鳴我之摧挫。匪
其盜名。汝所未經。實恒且驚。汲歟。魏歟。伊古之英人。能
聞道不在困亨。鎮心勿悲。匿影勿明。旣蠢旣直。安得崢
嶸。

食兮弗飽。眠兮弗常。勞搜遠紹。厥惟文章。雷電我驅。神

元我將雕肝琢腎曾不是妨汝曰嗟乎無已勞苦我曰
嗟乎匪今自古江河弗蓄遜彼澗渚孔孟弗孳羞彼農
圃

小人溺名君子翹名溺名維何琢腐吞腥翹名維何生
枯死榮枯以一瞬榮以千齡松不隕柯蘭不竭馨優哉
此意無陂不平

我在山中以嬉以敖春鷗與飛秋鶴與招有黍有芋有
魚有鰆卒然驅之挂于官曹巾帶離離歲聿其飄旣出
弗返萬慮以牢水厭橫流山忌嶢嶢名高患作墮淚悲

號火厥廬居喪厥鸞膠誰來唁我展也同胞

有雉者雉雄飛雌隨乃嫂之亡乃兄之悲乃嫂之櫬三年不歸輪行畏虎舟行畏犀山川悠遠松檟淒淒弗歸于土魂魄痛兮

悲從何來弗究弗圖既摧厥絃又喪厥雛哀哀雨櫬淹留此都汝也請歸義與涕俱兄弟急難今不古殊道阻且長汝其慎諸

南有高原在資之陽有榆其綠有柏其蒼式屏式作式封式望乃嫂之骨孔固孔長乃嫂之雛式附于旁匪我

令汝。汝慮孔詳。

日居月諸。不我周旋。昔汝來矣。北風其酸。今汝歸矣。煙
波際天。手足如萍。東颺西顛。雖尙達觀。豈不惻然。秋不
憐人。貽此憂煎。飄飄落葉。薄薄離筵。願言少駐。義不可
牽。

天道變化。人事惟正。惟父惟兄。孝悌之行。嘉汝之來。克
讓克儆。勗汝之歸。克愛克敬。年不厭豐。家不厭盛。元氣
在躬。乃兄之慶。

謂汝勿悲。汝涕滂沱。謂汝勿歸。汝詞嬋嬰。陟岵陟岡。心

靡有佗兄壯尙可父衰則那白雲窈窕望見湘阿有田
有廬未知誰何有筍與魚以養以和坦彼春風無使髮
也皤

君子之言如鼎如鐘發人仁義耳是以聰小人之言如
雨如風搆人骨肉耳是以聾維汝之賢破枉用中維汝
之歸不我以忤敬告里門而叟而童破囂返樸各職爾
農

謂衣可浣其尙勿穢謂川可防其尙勿潰龜勉同心乃
驥乃愛乃合乃離萬里一態乃念乃勞蚤夜其喟月有

朦。朧。日。有。晄。曖。嗟。哉。弟。昆。無。舛。無。昧。

驥。渴。于。塗。魚。斃。于。餌。汝。知。我。心。弗。求。弗。忮。振。我。藤。蘿。理。
我。荷。芟。我。笠。我。簑。我。笥。我。筥。我。衡。我。湘。我。廬。我。肆。行。當。
歸。兮。以。永。寤。寐。

幽。谷。匪。墜。喬。木。匪。升。相。彼。黃。鳥。靡。有。所。徵。于。皋。匪。拙。于。
天。匪。能。相。彼。鳴。鶴。靡。有。所。矜。今。我。弗。歸。實。惜。實。騰。實。柄。
實。鑿。實。淩。實。藐。搖。尾。何。附。釋。階。何。登。青。山。拳。拳。不。我。以。
稱。

我。生。之。初。如。蓬。斯。征。我。生。之。後。是。用。不。爭。樂。固。天。性。哀。

亦人情。但當加餐。弗斲厥精。弗雜弗襲。弗擣弗輕。天澹雲閑。逍遙是并。跡。晒。蟻。援。心。希。鶴。齡。勉。哉。後。會。我。健。斯。榮。

瞻彼蘭茝八章

瞻彼蘭茝訓子也

瞻。彼。蘭。茝。畦。畦。猗。猗。嗟。余。有。子。曷。不。挈。提。上。達。匪。易。下。流。匪。宜。言。淑。其。躬。惟。德。惟。儀。

瞻。彼。梧。楸。藹。藹。閭。閭。嗟。余。有。子。曷。不。劬。勤。古。人。尙。實。今。人。尙。聞。言。植。其。志。弗。溜。弗。磷。

悠悠我家代耕湖湘。執耒則勞，守道則臧。俯偕沮溺，仰眺羲皇。斯心斯義，孰孔之詳。

嗟余趣尙匪聖，則賢少而迂濶。長益磨鑄，豈不冠佩。豈不策鞭。趨趨囁嚅，不我以妍。

黃河勿渡，太行勿登。得爲失階，進乃退徵。豈不熒燿，豈不嶮嶒。前期貿貿，今也淩兢。

枯魚我焚，新甕我嘗。我飲我隄，其樂洋洋。粲粲五雛，大小成行。雖曰達觀，念汝傍徨。

相彼螺贏，尙化桑蟲。矧伊人矣，弗正厥蒙。爾才爾賢，維

爾之躬爾不才賢我咎孔重

東門之柳淒其以秋我齒孔增爾髮孔修日月如駛願
爾綢繆爾不綢繆已矣何求

江風蕭蕭一章

江風蕭蕭哀亡友孫笏亭也

江風蕭蕭江水悠悠我友逝矣涕泗橫流念子之死不
我以顧念與子羣以朝以暮有庸在幽有魚有禽魚兮
比目禽兮好音有舟在側有萍有蓮萍葉可埽蓮心可
憐一鳥九子東西子飛子守蘿薜我朝天扉天扉孔高

蘿薜斯靜握手告別兩心炯炯魂兮夢兮萬里來翔翬
兮髮兮變化爲霜雖有鯉魚不補纏綿雖有鴻鵠不能
翩翩參辰在天胡越在人登高望遠能不逡巡昔我與
子如膠如漆今我別子歲聿其畢昔我與子如形如影
今我哭子我咽其梗魑魅自有巫咸自無賢愚莫辨今
古同吁子之文章而不飛騰黃鐘破碎瓦缶旣鳴子之
材辨而不中世鏌鋣之鋒旣塵旣翳子之風義而不嶢
嶸乃獨漁樵與子弟兄子之骨相而不壽昌乃歌乃哭
裂子肺腸子死于南我哭于北子穴子棺誰爲子職我

哭于北子死于南我銘我誄祇益我慙瞻彼日月弦望
有時荒荒子死綿綿我思抽刀斷水水流如故蠶不離
絲猿不離樹豈不達觀其如苦辛悲從中來不可以云
我生之初無爲無庸我生之後涕如飄風斯涕斯心一
何苑結子雖不知我爲子竭

瞻彼桃李四章

瞻彼桃李爲王霞九觀察題青燈課兒圖費耕
亭太守題篝燈課讀圖也

瞻彼桃李實好實榮瞻彼松樟實巨實晶厥嗣之賢母

教之明無惑于而常無荒于而經風斯雨斯惟母之丁
甯

瞻彼江河洪波孔長瞻彼泰岱崇基孔詳厥嗣之傑母
教之昌無迷于而聖無墮于而狂貞斯心斯惟母之周
防

雖有賢智古訓是踐母曰嗟乎不汝以訛舛雖有愚柔
古行是勉母曰嗟乎不汝以游衍旣鞭旣策旣譽旣顯
匪其譽顯繫母之善

南陔有蘭擢擢其條北堂有萱綿綿其苗慶之溢矣維

德音孔昭矣香之永矣維書味孔包矣君子作歌斯悅
斯陶矣

海秋詩集卷之三

益陽湯鵬海秋撰

槩操二十首

思親操

舜遊歷山見鳥飛思親而作

雲稠霧錯兮天茫茫。親兮我兮各一方。陟彼崔嵬兮遠
于望。羣鳥盤飛兮攬我腸。人生何期兮父母孔將。夜夢
孔明兮晝弗忘。萬有孔薄兮天愛長。心如日月兮髮秋
霜。願言百年兮保壽康。

湘妃操

舜陟方死於蒼梧二妃死於湘江之間後人哀之而作

望不見兮蒼梧差峩。斷兮湘水紛波。君王去矣捐綺羅。紅顏窈窕心匪佗。已乎已乎奈愁何。

襄陵操

禹治洪水上會稽山作

洪水兮滔天崩山拉石兮砉然。魚鱉摧死兮可憐。萬民嗷嗷兮憂煎。忍獨樂兮晝食夜眠。俾奠定兮聊塞吾愆。

岐山操

太王避狄遷岐周公哀之而作

乾坤崎嶇兮靡定處君民遑遑兮泣如雨
邪非夷兮岐非阻式遷式營兮用心苦
仁不化侵陵兮智其有補彼哉彼哉不余侮

拘幽操

文王拘羑里作

樂莫樂兮旱爲霖悲莫悲兮牢穽深
行苦顛蹶兮坐苦擒呼號無從兮悄酌斟
履仁蹈義兮振古如今生當黜

勉兮死當埋沈何必蒼天兮知我心

採薇操

伯夷叔齊恥食周粟隱於首陽之山而作

瞻彼薇矣離離其萼人之無誼君子所薄瞻彼薇矣猗猗其華人之無顏君子所嗟螻蟻自馴鯨鯢自橫甯小而泰勿大而傾薄言采薇是刈是烹豈惟療飢可以已爭

履霜操

尹吉甫子伯奇無罪爲後母譖而見逐自傷而

作

朝畏霜嚴兮暮畏霜寒形單影隻兮血淚斑斑不我
拯兮匪父之愆母不我畜兮匪母之殘命適蹇兮罪多
端呼天自訟兮他何敢言人生如此兮大艱難憫憫內
顧兮摧心肝

士失志操

文公重耳奔狄其後返國賞從亡不及介子推
從者憐之而作一曰龍蛇歌

日月孔明兮不照重淵五蛇從龍兮一蛇遷延匪其遷

延兮龍德有偏得勢失勢兮枉用喟然山中逍遙兮且以永年。

雉朝飛操

沐犢子年七十無妻出薪於野見雉雙飛感之而作

彼雌者雉無止我園其文斐尾使我悲憐彼雄者雉無止我亭其形揭驕使我咤驚我咤我悲誰察我心曲我老我孤誰念我嗣續凡民之生鮮不有欲抑獨何爲天不我祿。

別鵠操

商陵穆子娶妻五年無子父母欲其改嫁其妻
聞之中夜悲嘯穆子感之而作

黃鵠飛兮裊裊雄顧雌兮心哀昔比翼兮金石諧今乖
離兮胡爲哉願欲從卿兮父母猜衰盛適然兮理可推
憂能傷人兮懷當開無使紅顏兮化爲埃

龜山操

季桓子受齊女樂孔子欲諫不得退而望魯龜

山作

龜何爲兮倬詭不情不能雲雨兮蔽魯則橫匪其蔽魯
兮魯自不明縱莠亂苗兮道渭汚涇鳴梟盤天兮鳳皇
悲鳴庶其有悔兮邦家之榮

息鄒操

孔子之趙及河聞鳴犢寶犢見殺回輿旋衛息
鄒而作

行乎否乎吾安能瞿瞿乎止乎否乎吾安能踰踰乎踰
踰而生德之辱也蹇蹇而死道不足也河水如鏡我心
如衡西去則否東歸式甯還息於鄒有廬可扁有詩有

書有琴與觥不願乎外其樂難名

猗蘭操

孔子自衛反魯隱谷之中見薌蘭獨茂喟然嘆
曰蘭當爲王者香今乃與衆草伍因自傷不逢
時而作

蘭之特矣忽其羣矣其羣其羣誰爲汝殷勤蘭之香矣
忽其霜矣其霜其霜誰爲汝悲傷貴兮弗甘賤兮弗苦
但念無辜泣涕如雨九州遨遊靡有定處實崎嶇實
齟齬老之將至歲不我與悠悠蒼天裂我肺腑

殘形操

曾子夢見一狸不見其首作

彼麟之角兮。彼鳳之味。今非其時兮。不我以俱。胡爲乎
狸兮。身首糝糊。吉凶在天兮。無以夢也。愚。

歸耕操

曾子在外十有餘年。懼父母之養不備而作

茗茗遠遊。歷歲年兮。好名汨性。不如力田兮。式耕式養。
爲父母憐兮。父母之不憐。其他又何足言兮。歸哉歸哉。
我罪斯刑兮。

水仙操

伯牙學琴於成連成連曰我之學不能移人之
情吾師有方子春在東海中乃賁梁從至蓬萊
山成連迎其師刺船而去旬時不返伯牙心悲
而作

海蕩蕩兮風與波連魚龍叫嘯兮羣鳥悲酸木葉紛紛
兮如雨如煙延頸四望兮心渺綿先生不返兮道在旃
寥寥此意兮誰與傳

采芝操

四皓爲秦博士遭世暗昧坑黜儒術退居南山

而作

彼曄者芝在南山之陽于以采之人不我攘彼曄者芝
在南山之陰于以采之人不我侵皇農已矣憂患烝矣
一縱一橫荒厥是矣一飛一潛析厥指矣維其有見矣
是以有止矣維其有閑矣是以有美矣

八公操

淮南王好道正月上辛八公來降而作

悲下土之人兮矍矍嘈嘈憾無羽翼兮騰于神霄八公

知我心兮來降來招。驂以紫虬兮飲以瓊膏。遨遊白玉京兮其樂陶陶。蹈波不濡兮入火不焦。千齡一瞬兮安知鬢髮之飄飄。

歸風送遠操

趙飛燕作

風飄飄兮吹衣。執手踟躕兮遠別。離山有厓兮水有湄。去復去兮無窮期。明月不寄余心兮黃鵠又不可騎。思君子兮當告誰。靈填雨冥兮慘獨悲。

於忽操

龐德公隱於峴山之南而作

於忽乎。陸有虎。黿有水。有蛟。君子如慄。曷不遁。逃於忽乎。
蘭爲環。佩荔爲裳。君子如貞。曷不韜藏。彼之忌矣。勿其
蹈矣。彼之無矣。勿其謂矣。居世苦短。知幾苦遲。及今有
悔。乃嘉。乃綏。今如弗悔。乃險。乃巖。於忽乎。吾不可以顛
眴爲。

海秋詩集卷之四

益陽湯鵬海秋撰

古歌謠

黃童口叟歌

童喁喁叟翩翩葺爾屋肥爾田

叟衍衍童于于炊爾黍焚爾魚

童亦無所知叟亦無所知戴天履地其樂熙熙
叟亦無所求童亦無所求沐日浴月其樂悠悠

管葛頌

才乎才乎無管與葛將安開乎時乎時乎無管與葛將安施乎

元妙歌

太和和哉儲九精哉蠲百病哉其人美且皤哉
太空空哉翔沈寥哉造麗洪哉其人美且崇哉

寂寥歌

朝無人暮無人翩翩黃鳥翔我庭黃鳥黃鳥爾勿鳴
海有鯨山有虎褰衣欲往風霾苦已而已而聊樂我宇
童子酌我酒娼女爲我歌閉門息影樂無涯白日晡晚

奈我何。

嚴先生歌

併序

澈浦嚴先生治南山有聲詩人美之而作歌

嚴先生在南山之南鞭爾犢浴爾蠶民是以妣

嚴先生在南山之北剖爾訟戢爾賊民是以式

南山之雲不傍崔嵬但亭亭兮爲我嚴先生來南山之
風不振枯槁但飄飄兮爲我嚴先生好

春娟娟花滿郭先生在南山樂旦上南山頭暮上南山
腳扶杖之老紛其騰躍

秋黯淡霜滿邱先生死南山愁暮莫上南山腳日莫上
南山頭垂髻之稚哀啼啾啾

生爲南山父母死爲神酒白蕉黃來享來欣願爾民億
萬年弗枯弗涸弗飢以呻

思美人

練如雪郁如蘭思美人心盤桓
聚如月散如煙思美人心渺綿
山戔戔水泱泱思美人心宵茫
天高高地老老思美人心潦倒

悲秋辭

霜霰下矣百卉俱腓矣昨之盛而今之衰矣日月逝矣
中心曷歸矣今之是而昨之非矣

反悲秋辭

風其騷矣而松不枯秋乎秋乎松不汝辜乎霜其凜矣
而菊不賸秋乎秋乎菊不汝悔乎

羞貧辭

脛脛乎其無成乎安得瀟湘之湄買田以耕乎墨墨乎
其無譽乎安得峒嶺之峰葺屋以居乎

反羞貧辭

一區之芋可以營吾飽兮毛髮飄蕭忽其好兮一勺之泉可以療吾渴兮心腸結惛忽其豁兮

折楊柳送別辭

秋風蕭蕭霜露涼之子去矣道路長折楊柳兮心蒼茫
秋風切切衣裳寒之子去矣形影單折楊柳兮淚潺湲
秋風顛顛毛髮槁之子去矣蓬蒿老折楊柳兮復何道

挽歌

併序

大夫之賢者不得志以死可哀也

壯亦蹉跎老亦蹉跎嗟嗟奈老何生亦蹉跎死亦蹉跎
嗟嗟奈死何

北邙冢兔與狐冢中枯有與無念子逝矣云何不吁
人問世萬不齊愚者樂賢者悲念子逝矣云何不疑
其疑難何杳乎冥哉其吁維何德之馨哉大美不耀乃
與腐草爲螢哉彼蒼者天尙訶余之悲鳴哉

短歌三章

山自高水自流大絃小絃心悠悠子期逝矣三千秋
赤松子浮邱公導我以翱翔胡爲乎塵土行

筮不郭璞醫不扁鵲福不來兮禍不作

樂莫樂

樂莫樂兮松與喬悲莫悲兮羈絆牢

樂莫樂兮沮溺耕悲莫悲兮塵土橫

樂莫樂兮才不才悲莫悲兮驥突飛

樂莫樂兮味無味悲莫悲兮魚中餌

樂莫樂兮鶴鳴皋悲莫悲兮猛虎咆

樂莫樂兮鵠高翻悲莫悲兮蟋蟀繁

樂莫樂兮薌蘭芬悲莫悲兮滯與磷

樂莫樂兮飲醇酒。悲莫悲兮腸結糾。

樂莫樂兮煙霞古。悲莫悲兮風霾苦。

樂莫樂兮金石壽。悲莫悲兮腰圍瘦。

織女歌

露稀風靜。月娟娟。河漢清淺。心纏綿。露裙瓊佩。交新鮮。柔橈諺。靖止復前佳期至矣。靈鵲便流連。瀾漫樂難言。

牽牛歌

東西迢遞去。幾許赤螭青。翰來容與秋雲霏。霏振羅紵。鳳笙鸞幕。歡讌語扶桑欲紅。驍驂舞會短。別長涕如雨。

雜歌謠四十章

鴛鴦乎何爲而雙飛乎伯勞乎何爲而單棲乎嗟乃其
宜乎

棘端刻猴豈不殊吁嗟幻兮猴有無

懸蝨而射兮硜硜乎紀昌誰能駕梭猊兮千里一息萬
里一翱翔

燕燕爾亦勞暮宿檐下巢旦營梁上巢一何翹翹
蚯蚓無口兮其鳴也紛呢蜘蛛有絲兮弗以供綺羅而
網彼飛蟲

蛇兮虺兮畏彼蜈蚣牛兮馬兮奈蛟蚺之能攻
百尺桐十丈蕉風兮雨兮不汝以饒

凌霄花蔓纏古木匪孤標羌何爲乎號凌霄

鼠姑鼠姑其香滿區大雨如盆小雨如珠紅殘紫暗奈
而乎

瓜乎瓜乎既其惡麝而又化爲魚乎

蝶粉活蜂蜜肥蜂兮蝶兮無是非

狐千年木千年以木照狐狐不能翩翩

馳驅者騶耶歐欤者驢耶啮啮者鳳凰耶洵河者鵲鵲

耶

莎可笠。藤可杖。叢叢蒺藜刺脛不可往。

階有藁。牖有松。哀哉荒野外。離離白頭翁。

翦春羅。翦秋羅。春兮秋兮紛可翦。其若冬青萬葉何。

彼鳩兮。知陰雨。奈何雉子斑。不顧罽羅舉。

兔絲不可以爲衣。燕麥不可以爲食。彼君子兮。慎莫馳其聲而落其實。

螺蚌自有珠。鯉魚自有書。誰其剖之。我所吁。

鴟啄腐鼠。鵲雛悲腐鼠。可啄咄嗟乎。鴟宜不宜。

菩○提○種○從○何○來○芙○蓉○花○爲○誰○開○使○我○一○步○千○裏○哀○
木○何○爲○而○傲○寒○草○何○爲○而○指○佞○於○戲○草○兮○木○兮○惟○其○正○
葵○之○智○矣○衛○其○足○蘭○之○仁○矣○而○膏○不○可○續○哀○彼○百○卉○于○
誰○軌○躅○

白○龍○來○下○清○冷○淵○豫○且○豫○且○汝○慎○旃○

咄○嗟○乎○猩○猩○能○言○君○子○食○其○馘○而○啜○其○羹○咄○嗟○乎○猩○猩○
不○如○人○

鹿○角○墮○矣○得○長○生○哀○彼○象○齒○葬○自○傾○

虎○識○人○不○捕○醉○與○癡○嗟○嗟○醉○與○癡○

扇兮扇兮。卻彼爰蒸。羌何爲兮。揮蠅枕兮。枕兮。怡我寤寐。羌何爲兮。辟魅。

有瓶弗守。乃潰厥口。有鏡弗呈。乃穢厥形。盤弗銘鼎。弗銘豈惟不聞道。乃不汝以生。

萬鐘弗爲厚。二簋弗爲薄。小人媁媁。君子綽綽。

雖有鷓鴣。尙畏秋霜。雖有蝮蛇。尙畏雄黃。

蟲飛飛。赴明燭兮。命可傷。白蟬藏身於萬卷兮。樂且無央。

月暈知天風。礎潤知天雨。心欸欸兮。誰告語。

大魚能江湖。小魚能溝渠。各各不相踰。

種松不成。且種萱。種萱不成。勿復言。

皇蘇皇蘇。釋我勞艾。蕭資萊不得驕。

苟塗之弗斜。何必乎雲母車。苟波之弗投。何必乎太乙舟。

孰澤我顏。惟有櫻桃。孰悅我性。惟有蒲萄。

無患木于以棲之。緩福祿不死草。于以茹之多壽考。

綿竹謠

併序

內子旣歿於都而憑於牀以告其家之昆季道

余前身爲四川綿竹令渠爲幕賓綢繆許與無
閒言今是以有絲蘿之緣余聞而悲之作綿竹
謠

生爲綿竹令。今死當爲神。悔隨塵土。今以有此世之悲。
辛

前之世與我好。今之世不我以。終彼蒼者天。今惡知。
余之淚紅。

綿之山其蘭。千年綿之江。其月嬋媛哀。我兩人悲歡離。
合一何騰騰。

綿之江其月皎皎綿之山其蘭美好哀我兩人已焉哉
勿復道勿復道

黃金臺歌

天昭今日星明地固今河嶽并燕昭仁兮郭隗榮獨立
蒼茫兮吾淚橫

若之何歌

雨師善雨而使之風不能吹噓兮將焉從醫師善醫而
使之巫不能嫵媚兮將焉如

對月歌

月○乎○我○乎○皎○皎○者○在○天○乎○亭○亭○者○在○牖○乎○出○亦○照○我○乎○
入○亦○照○我○乎○吁○其○偶○乎○

我○乎○月○乎○寥○寥○者○我○心○乎○種○種○者○我○髮○乎○昔○亦○對○月○乎○
今○亦○對○月○乎○吁○其○末○乎○

蠍虎謠

銘○兮○主○敬○咒○兮○驅○邪○蠍○虎○蠍○虎○奈○我○何○
長○尾○如○戟○短○尾○如○戈○我○兮○我○兮○奈○蠍○何○
西○有○匿○景○東○有○逝○波○我○兮○蠍○兮○俱○奈○何○

小兒歌

天陰陰啼哭深。褰簾見白日。一何快心。

折黃花。插帽偏黃花。黃花亦可憐。慎莫傷其根。

鶻鵒鶻鵒繞我廊。呼僮引弓翼。墜雙胡爲乎。繞我廊。

阿母哺我哺我。勿怒我阿母。怒我怒我還哺我。嗟嗟仁哉阿母。

奴曰虎在右。婢曰豹在左。誰能不怖汝。曹給我寢。勿離牀褥。走勿踰門闌。阿母阿母。不我憂患。

人間可哀之曲六十一章

併序

亡荆璫華殞已再暮。一夕夢其來。喃喃絮絮說。

生前死後事不休。因代其意爲人間可哀之曲。

六十一章

今夜月。今夜心。繁哀不能整。嗚咽爲君吟。
君九天。妾九泉。兩載不相逢。涕下一何翩。

妾思君欲騎赤虬歸。鬼伯不我云。

君思妾輾轉在牀茵。盈盈淚垂睫。

妾思君魂魄西復東。蕩蕩徒悲辛。

君思妾悲啼滅容顏。撼撼如寒葉。

妾思君茫如瞽與聾。枯坐斷知聞。

君思妾浩如江與河風濤相積疊

今夜月今夜風絺纒整環佩窮窈窕倚梧桐

望我廬疑恍惚門前雙老槐枝枝葉葉相撩撥

黃犬故狺狺鷓鴣雞故膠膠認我舊主人不鳴不吠但週遭

拭我鏡上塵理我琴上絃故物增新悲含淚不能言
絲帶結合歡綿被著同功是妾昔時意今爲君所慵
淚染石榴裙髮結象牙梳是妾昔時痕今爲君所吁
青絲纏蠶筐白珠綴蝦簾是妾昔時掛今爲君所贈

躑躅何豔豔。貧管何纖纖。是妾昔時種。今爲君所收。

甕底醪濁耶。清耶盜中米。白耶黃耶。

婉孌兒詩耶。書耶嬌癡女。沐耶梳耶。

阿俶。𪛗。十四餘。殷勤惜居諸。慎莫嗜糟粕。慎莫守沮洳。

阿健。兄何爲者。顛蹶黃泉下。毒魔施惡痘。扁鵲不能假。

風。颼。颼。涕泗滂。阿健數已竭。阿俶理宜詳。

阿俶。飢魚菜稀。阿俶寒衣。裳單嗟嗟。飢寒。

阿俶。飽啖梨棗。阿俶煖著袍。襦嗟嗟。飽煖。

阿蘭。妹復阿蕙。如遠嫁。當何鄉。嫁時勿草草。翠冠白玉。

璫

阿衡如最小小行止太婷娉班昭有女誠慎勿厭叮嚀
阿莊如先我亡阿健阿菁如後我亡哀哀九幽閉栩栩
三雛將

三雛從地下四雛寄人間君子解提攜無使妾悲歎
君心如霽月執義如泰山泰山長崔嵬霽月常圓圓
雖有琨與瑤不棄故所佩雖有嬌與嬈不忘故所愛
阿姊爲故人阿妹爲新人醴泉同甘冽芝草同本根
不知故人醜不知新人好君子厭二三纏綿勝窈窕

不知故人去。不知新人來。君子善變化。恍惚生悲哀。

篋中何所有。齊紉魯縞紛。編爛裁爲新人衣。霜雪不能

寒。

柈中何所有。魚羹鹿脯汁淋漓。煮爲新人餐。歲暮以無

飢。

腰間何所有。赤珠紫玉青珊瑚。垂爲新人佩。一步十

躑。

階下何所有。青裳丹棘黃金花。插向新人頭。鬢髮生光

華。

妾心何所禱。但願新人樂百年。長壽考。
妾心何所終。庶幾君子健。令名施無窮。
芒乎忽。不可求。反乎覆。妾心憂。

妾在君。騰鸞妾死君。左遷左遷。尙可慎。莫溺墮。

君爲人不蒙。顙肝膽如古。劒咳唾秋稜稜。

君爲官太頽。頽听然吐太阿。盍解韜夜光。

泥滑滑。驥莫行。竹實稀。鳳莫爭。行且道。道行屏營。

南陌柳。淒以黃。何用鬪春風。秋淚滿蒼茫。

北邙柏。淒以綠。借問冢中枯。已矣謝馳逐。

滔滔東逝波。苦矣精衛心。偃仰將云何。
曖曖西匿景。傷哉夸父才。踳躅不能逞。
撞君鐘飲君酒。千愁萬恨復何有。

膾名魚炙肥牛呼。僮理華筵買妓發清謳。

爲樂當及時。慎莫自離齷齪。徒爲達者嗤。

不見霜飄飄。草木實可惜。蟋蟀紛夜號。

壯不樂老已來學佛求仙俱藐茫。惟有讀書飲酒開其懷。

敕新人治酒漿。君子調饑渴。鬚髮不能蒼。

敕新人。和瑟琴。君子。罔。怵。鬱。涕。淚。不。能。侵。

敕新人。勤箕帚。君子。潔。宮。室。埃。壒。不。能。厚。

陸有車。水有舟。妾欲從君死。已休萱草。萱草不療憂。

君有憾。妾知之。妾有言。君當思。君不慎。思妾心悲。

奈何許。隻翼不復雙。吞聲淚如雨。

星睽睽。夜將曉。妾欲去。悲風繞。

暫盤桓。相逢魂夢後。相思那得闌。

妾來沸。君愁妾去了。君悲幽。明白有限。安能。攣。攣。數。追。

隨。

直如弦

直如弦。駕短轅。曲如鉤。騎紫騮。
直如弦。臥寒氈。曲如鉤。衣名裘。
直如弦。心纏綿。曲如鉤。肆噍啁。
直如弦。淚潺湲。曲如鉤。快遨遊。
直如弦。惜暮年。曲如鉤。髮不秋。
直如弦。悄孤騫。曲如鉤。百不憂。

偕隱歌

并序

僕雖羈絆不果還山。然新婦瓊華飄飄乎有偕。

隱之志也作歌以言其情

陟彼北山。白其薇兮。于焉擷之。以佐君子之炊兮。
遵彼南陌。青青其桑兮。于焉蠶之。以充君子之裳兮。
君子有園。或棃或棗。君子有泉。或淩或藻。樂不可道。
君子有酒。或壺或罍。君子有懷。或琴或笙。樂不可名。
胡爲乎緯繡。胡爲乎擠排。歸去來。
胡爲乎蹶躡。胡爲乎褻裊。歸去來。

豪士歌

廩廩嗃嗃。毛髮上橫。撫劍躑躅。不能悲鳴。飲酒一石。擁

書十牀鵲鵲鵲無止我庭。

黃鵠萬里振以長風六區八極載西載東安能屑屑從
彼狻童青天裊裊時倚梧桐
曾不徬徨曾不婀娜揮霍變化乃無不可崑崙斯扶滄
溟斯瀉雌霓雄風爲我上下。

前鳴咽歌

併序

哀石黼廷給諫也

朝讀寶劍篇暮讀寶劍篇其聲嗚咽心纏綿
朝歌猛虎行暮歌猛虎行其聲嗚咽天爲青

子之稜稜兮以其愚子如不愚不成子之譽
子之咄咄兮以其窮子如不窮不成子之終
匪金匪石安得百年生亦不羨兮死亦不憐
匪泥匪沙安得棄捐其生也齟齬兮其死也可憐

後鳴咽歌

併序

哀龔春溪編修也

朝聞春風暮化爲西風其聲嗚咽一何重
朝聞春風暮化爲北風其聲嗚咽不能終

子之賢兮湖湘之士爲子翩翩子之死兮湖湘之士爲

子悲酸

子之賢兮謠詠者誰蒼天知子悲子之死兮嗚咽者誰蒼天蒼天知我悲

悲亦不可塞辨亦不可伸維子之故使我逡巡辨亦不可伸悲亦不可塞維子之故使我慘惻

輓轉歌

無可酬矣豈其憂矣高斯凜凜下斯悠悠矣
無可倖矣豈其屏矣窮斯洋洋達斯挺挺矣
無可言矣豈其吞矣歿斯已已生斯拳拳矣

無可標矣。豈其淆矣。今斯泯泯。後斯昭昭矣。

夢歌

髣乎髴乎。將何訖乎。糝乎糊乎。將何盱乎。天乎天乎。其茫乎。否乎。夢乎。夢乎。其然乎。否乎。

覺歌

鷄鳴喔喔。我心爆爆矣。惟其爆爆。是以有濯矣。鷄鳴膠膠。我心寥寥矣。惟其寥寥。是以有超矣。

晝合謠

併序

花有夜開。晝合者。余嘉其有尙絅之義。名之曰。

畫合花。夷攷合歡花。一名夜合枝。柔葉弱乃婦
人女子枕中物。然則夜合者。其花淫。畫合者。其
花儻。以澹泊爲宗。耶。作畫合語。

夜何豔豔。兮。畫不見紅。吁。嗟。畫合兮。吾所崇。畫不見紅。
兮。夜何豔豔。吁。嗟。畫合兮。吾所忝。